

Nitamwimbia Bwana

Atoaye dhabihu za kushukuru, Ndiye anayenitukuza. Naye autengenezaye mwenendo wake, Nitamwonyesha wokovu wa Mungu—**Zaburi 50:23.**

Njoo kwa Yesu vile tu ulivyo, mwenye dhambi, mdhaifu na mhitaji, Naye atakupatia maji ya uzima. Unahitaji amani ambayo inapenya katikati ya uvuli wa mauti ambao shetani anauweka njiani mwako ili kukuzuia. Anashughulika sana kubuni maburudisho na mitindo ambayo itaziteka sana akili za watu kiasi kwamba hawataweza kuwa na muda wa kumtafakari Mungu. Wafundishe watoto wako kumtukuza Mungu, sio kujifurahisha binafsi.

Ni watoto wa Mungu—kwa uumbaji na kwa ukombozi. Wafundishe kuepuka maburudisho na upuuzi wa kizazi hiki kilichoharibika. Zitunze akili zao kuwa safi na takatifu katika uwepo wa Mungu.... Msifu Mungu. Hebu mazungumzo yenu, muziki wenu, nyimbo zenu zote zimetukuze Mungu ambaye amefanya mengi kwa ajili yetu. Mtukuze Mungu hapa, kisha utafanywa kufaa kujiunga na kwaya ya mbinguni pale utakapoingia katika jiji la Mungu. Kisha mtaziweka taji zenu zimeremetazo miguuni pa Yesu, mkichukua vinubi vyenu vya dhahabu na kuijaza mbingu kwa wimbo Mtakatifu. Tutamwimbia sifa kwa ulimi usiofikwa na mauti.

Mkombozi wetu anapotuongoza kwenye malango ya milele, yakiangaziwa kwa utukufu wa Mungu, tutaweza kuitikia mada za sifa na shukrani kutoka kwenye kwaya ya mbinguni inayokizunguka kiti cha enzi cha Mungu; na kadiri mwangwi wa wimbo wa malaika unavyoamshwa katika makazi yetu ya duniani, mioyo ya watu itavutwa karibu zaidi kwa wimbaji wa mbinguni. Ushirika na mbingu unaanzia hapa duniani. Tunajifunza hapa toni ya ufunguo wa sifa Zake.

Msifu Bwana; zungumzia wema Wake; waambie wengine juu ya uweza Wake. Yafanye kuwa maridhawa mandhari inayoizunguka nafsi yako.... Msifu, kwa moyo na kwa roho na sauti, Yeye ambaye ni afya ya uso wako, Mwokozi wako na Mungu wako.